

八瓊室金石補正

八瓊室金石補正卷一百十五

太倉陸增祥撰

男 繼輝校錄

吳興劉承幹覆校

宋三十四

廣利寺龍圖碑

高五尺三寸廣三尺十五行行廿一字字徑一寸七分正書在遂甯

大唐 代宗皇帝 大曆十三年歲在戊午六月

勅賜禪林寺賜紫衣謚克幽禪師

昭宗皇帝 天復三年歲在癸亥四月

勅賜再興禪林寺

大宋 真宗皇帝 咸平元年歲在戊戌十月降到

太宗皇帝御書聖文神筆額

真宗皇帝 大中祥符四年歲在辛亥正月

勅賜廣利禪寺 降到芝草兩函

仁宗皇帝 皇祐三年歲在辛卯六月降到

御書明堂之門二軸

徽宗皇帝 崇寧二年歲在癸未二月

勅諭號慧應大師塔名善濟

南宋 孝宗皇帝 乾道九年歲在癸巳十一月

勅宜賜國覺慧應慈感大師

清熙改元歲在甲午尙書省叅知政事鄭聞右

丞相書

右碑刻善濟塔記之陰記歷代敕書御筆自是廣利故事志乘家所宜知也碑有額題龍圖二篆書此本失拓碑末紀年不紀月攷宋史宰輔表是年三月丙申鄭聞以資政殿大學士四川宣撫使罷七月丁亥自資政殿學士大中大夫四川宣撫使除叅知政事則此碑之刻當在七月後矣碑末磨泐三字三巴舊古志作丞相書据表則鄭聞未除右丞相其執政亦得稱丞相歟碑云南宋孝宗皇帝知當時已稱南宋非後世分別之名

般若會善知識祠記

高四尺五寸廣二尺二寸十九行行四十四五字字
徑七分許橫額題般若會善知識祠記八字俱正書
在鄞縣

紹興丙子大慧禪

師宗杲得旨住育王廣利師還自

嶺南既

主叢

林湖海

衲子輻湊聚眾一千二百法席

爲

天人師廣利

素號

望刹至是食口弗給有大慧高弟擇

微者眾推苦行號微高僧慨然而起曰吾事大慧責居

遐荒逮

茲去此十有

七年萬死一生備

嘗艱棘

龍天

歡喜祖道中興請爲緣化之倡乃帥同志二十輩化八

万四千信士各

捐已帑

名般若

會哀爲求田供眾之

資

時郡將

貳卿方公滋首爲之勸遠近樂施財帛雲委未

幾大慧有

旨移住徑

山

□□

其嗣大圓璞公繼之乃

舍其徒

彥平就

奉化東村請官地海塗圩而爲田工傭

清博以般若會所儲用之不足

又請大

慧衣鉢助之合

金十萬緡施及三年而大圓順寂衆又以其嗣今住持

普門廓公繼之時丞相岐國湯公思退□□大慧爲方

外友捨金協濟又得無相大師靖公

抵財

建造莊院名

般若莊自紹興戊寅至乾道丁亥始克有終侍御□公

伯庠作記以美之而後大慧遷化門人弟

子傳法生持

遍九天下獨微公卷而懷之退處廣利上塔堅坐一紀

不出門

限

一飯之外不接俗務看閱藏經已七遍矣達

官貴人招之不去其高致追姬古尊宿豈今日學道者

所能

彷彿乾

道二年予以先公大監大祥至廣利作佛

事因訪微公公與

大慧

皆先世道舊相見慰藉久之論

及塗田首

尾實

微公權輿又欲令小師祖印募緣登

砌寺旁之上塔磚路逾千丈且曰他日路成又將塑像

大慧大園普門三善

知識

塔院後舍配以造塔真戒大

師振公以八萬四千信士名銜函貯其上誓將朝夕資

奉以爲善知識祠堂香火

惟子爲

我記之子異謝未遑

既畢事微公三令祖印持書扣門其請愈堅且曰子不

我記非獨嫗我是嫗大慧予不敢辭乃爲之說曰釋迦

如來以提婆達多爲善知識故蓮經云由提婆達多善

知識故令我具足六波羅蜜又妙莊嚴王本事品云若

善男子善女人種善根故世世得善知識其善知識能

作佛事示教利喜令入阿耨多羅三藐三菩提予伸二

子以訂微公諸方衲子多見善知識者必有其人能辯

緇素則一生叅學事畢脫或未喻其可以卜度耶謹記

淳熙二年六月日修職郎前兩浙東路安撫司準備

差遣李泳記

御筆賜冲虛先生賜名葉知微書額

寶林蘭若苾芻行久書 幹緣知塔苾芻祖印立石
案宗杲與宏智皆僧中龍象而各傳一宗周葵所謂
以道相予無彼此之間也故嗣天童者宗杲主之斯
時輻湊者千二百人高弟擇微因率同志化八萬四
千信士爲般若會作求田供衆之資微公又將塑像
大慧大圓普門三善知識于塔院以八萬四千信士
名銜函置其上朝夕齎奉以爲善知識祠堂香火屬
李泳記之愚子作三寸像便欲題名奢望微公此舉
烏在其不大書深刻耶

兩浙金石志

行末失拓二三字据兩浙金石志補注於旁志載

舛錯十餘字校正之

馮運之題名

高三尺九寸廣五尺八寸十一行
行九字字徑二寸餘行書在中江

家弟丙之尉銅山余罷官凌雲道過歸武□□飲玉江

主人素國老□長鄉人王用升在坐是日風日晴美步

訪谿側大石俯脉清流下激通命石後泛杯探籌叙飲

數多者輒一笑酬之□間兒童環視目爲在□男璿侍

筆墨洎熙巳酉冬望前二日馮運之題

廣漢楊安常殘題名

高三尺廣一尺二行行存九
字字徑二寸許正書在中江

上公書廣漢楊安常□崖

宋

熙四年夏五月

廣濟王像題記

高二尺四寸廣一尺六寸上方題字廿七行行廿字
字徑四分下方刻象右旁年月刻石姓氏二行小字
並正書橫額題英顯武烈忠佑廣濟
王像十字分書在杭州吳山文昌廟

淳熙丁酉六月會稽陳師中錢塘刻

吾本吳會人間生於周初後七十三代爲士大夫未嘗
酷民虐吏性烈而行察同秋霜白日不可犯後西晉末
降生於越之西嶺之南兩郡之間是時丁未禊甲子辛
亥二月三日誕祥光耀戶黃雲迷野居處地俯近海里
人爲清河叟曰君今六十而獲貴嗣童稚時不喜嬉戲

每慕山澤往往語言若有隱顯盡誦羣書夜避眾子自
咲且樂身體光射居民祈禱則余嗤而訕長嘯曰土木
而能衣人之衣漁人之食享之而有應謗之而有禍我
爲人而焉無靈乎自後夜之怪夢或爲龍或爲王者天
符爲水府漕自怪而不甚信爲吉世後三農僦旱膏澤
無甦舞雩祝神恬然無驗余思曰夜寐乖夢治水府今
夕當驗夜往水際以夢中官牒河伯而驚魂尤恐忸怩
不能忽爾之間雲四合風雷震一吏稽首余前運判徒
居余曰非我也我適張戶老之子名亞後緣水府得吏達故字霧夫
曰奉命促子余曰家人如何吏曰先到治所余皇皇未

決吏揖上一白□□去俛首里閉風雨聲中頓失鄉地

一山連劍

嶺

□□

參宮星

若鳳凰之偃下有古湫引吾

入一巨穴門

有數石

笱吏曰民之所禱祝此石而有應

曰雷柱吾方褰衣入穴吏曰君記周室爲人七十三代

陰德傳家而迄今否余方大悟若夢覺也吏曰君在天

譜得神之品於人世少有知之者晉不日有中興之

兆

□可尋方而顯化余曰謝天使嚮報也入穴則若

墮于

何之壑

□□而足不沾若騰身虛空有王者宮有

禁衛

余

□□□□若都其閒改日作儒士而往咸京講姚

之故

事河

內傳焚獻者切記

右廣濟王像碑乘白騾二童子一武士隨行卽今所祀文昌也頂現一光中有一像乘蛇而行不知何說刻文似箕壇語有未可句讀處以宋刻存之

兩浙金石志

上方記文疑有譌脫恐非宋刻以阮氏備載故錄之碑較阮氏所見損泐十七字而可尋方三字阮氏未見何也世傳陰騭文云一十三代爲士大夫身此云七十三代懸殊亦甚矣西晉丁未爲太康八年是年二月三日非庚辰卽己卯此云甲子辛亥非月非日何謂也

重修宜州學記

拓本未全高二尺一寸三分廣三尺四寸十
九行行十三字字徑一寸許行書在慶遠府學
位廣右帥事以經略司主管機

豈弟願假守府伸牧遠民 詔使

所控制非一前此爲州者日夜究

他議韓侯至官既舉其職則慨然

積累而後成廟官既嚴講肄有堂

人士歎息誦詠佯來請記方韓侯

邊州乃不急之務且曰宜固寡士

蓋俎豆之修則軍旅之事斯循序

坐銷於冥冥之中詩曰既作泮宮

建學于此使爲士者知名□□重
細民亦將風動□□尊 君親上
近而吾民既已和輯則夫境外聚
伏其心志柔其飢膚其孰有不順

出何間

達

近遠方固曰□□□

公、輔出於日南皆表然著見於
異日不有繼二公而出者乎又安
則其可以寡士而忽諸故於其學
庚子承事郎充秘閣修撰權設遣
同公事馬步軍都總管張斌記

右重修宜州學記上下不全或石已斷缺或以曼患未拓姑就所見者如式錄之明統志慶遠府學在府治東宋建淳熙中知宜州韓璧重修廣帥張栻爲記卽此碑也碑缺年月張敬夫經略廣西以淳熙二年之任五年閏六月去桂當卽系於去桂之前韓璧史無傳

月巖題刻三段

在道州

趙汝誼等禱雨題記

高二尺八寸廣二尺七寸五行八字字徑二寸五分行書

漢國趙汝誼天水趙廣南郡章穎禱雨道過穿巖方暑如坐廣廈徧覽洞石賞其瓊異淳熙己亥秋戊子

在州西四十里舊名穿巖淳熙中太守直閣趙公禱

雨過其下有題名

湯路道州志

案道州官表淳熙初有兩趙守其一汝諠四年任其一善言七年任證之趙賡月巖禱雨題名在壬寅歲是爲淳熙九年則必善言無疑也黃如穀改纂州志作直閣趙抃甚誤

金石

右刻在月巖洞口之巔從未有椎拓之者故記載多不實也永志官表趙汝諠平在人乾道八年任殊誤趙賡名失載不知其爲丞爲倅章穎臨川人道州教授嘗撰濂溪故里祠記見濂溪志

趙廣題記

高廣各二尺六寸七分行行十字字在二寸五分行書

浚僕趙廣承流茲邑千二百有四日矣歲遇夏或以旱告廣侍

郡侯凡三謁于

靈濟祠下其善應金僊可不勒諸巖石以紀神之賜消
熙壬寅六月中泮書

右刻行書七行在道州月巖前人未經搜及

金石

永志誤下爲卜僊上似是至字姑從永志作金靈
濟祠志所失載案月巖之西有龍母山上有龍母
祠歲旱禱之多應或卽宋之靈濟祠也

劉錫詩

高二尺廣七尺六寸十五
行行五字字徑四寸分書

不比戈陽名浪傳壘空三日透山巔崑分前後兩竝缺
天到中央一月圓屋擬蟾宮新學士臺存石磴舊遊仙
玲瓏望處人間近影照奇峯千□連景定三年九月永
嘉劉錫作明年江華李挺祖書

右刻在洞內宗氏亦未搜得辛未冬翟斗南大令
始爲予搜拓之劉錫見潛巖浯溪題名

案明統志云月岩形如圓廡中可容數萬斛王會
月岩圖記云月岩在故里西八里許先生讀書其
閒其山巍聳中爲崖洞東西兩門如城關可通往

來洞之中虛其頂自東仰之如月上弦自西仰之
如月下弦至中仰之如月之望隨行進退一盈一
虧其形肖月好事者奇之以爲太極呈象中有濛
溪書堂

南龕題刻二段

在巴州老君洞

趙善期題記

高一尺七寸廣二尺六寸十字字字徑寸餘正書

巴南山川氣象蕭條獨以古楠爲奇觀唐應旆間侍御
嚴武稱詠見于岳壁 宋淳熙八年七月四日未刻古
楠根壞而仆是日天良氣清絕無風雨之變磊落巨幹
一旦淪於邱壑邦人惜之豈非圓形字內者固自有不

易□□耶幸傍出一支尙可爲南龕顏色山祇有靈呵
禁不祥而守護之望曰郡丞趙善期書

趙公碩詩

高三尺八寸廣五尺二寸十一
行行字不一字徑三寸許行書

積雨初霽乘興邀王和叟趙久成二監郡遊南山飲
於雲間閣回成一詩醉書於石壁巴南守趙公碩

雲間飛閣倚崢嶸煙外寒江壁鏡清絕嘯高頭惟古木
斷崖直下只孤城二年謫結巴南恨万里空縣楚客情
鼓吹不須催我去夕陽猶傍遠山明

白鹿洞趙昌言等禱雨題名

高四尺廣二尺四行行八
字字徑四寸正書在郴州

浚儀趙昌言永嘉宋仲溫吳郡鄭勉厚并門張仲勉禱
雨憇此淳熙壬寅季夏四日

湖南通志失載壬寅爲淳熙九年趙昌言以禱雨
憇此當是官於郴者攷宋史趙昌言字仲謨汾州
孝義人太宗時爲荆湖運副真宗時終戶部侍郎
贈吏部尙書諡景肅下距淳熙壬寅一百六十餘
年蓋別一人也通志職官孝宗朝知郴州者有趙
彥操趙介趙汝亦趙不俄四人昌言疑是汝亦字

彈子巖題刻三段

在臨桂

熊飛題名

高四尺二寸廣三尺一寸十一行
行十四字字徑二寸五分篆書

淳熙九季歲在壬寅莫秋初吉七閩熊飛景瞻日憲事
行部至桂林與鄉人宦游者李暮東暉李櫚伯廣王葵
欽之陳閱周卿上官駿子聲鄧夏卿仲萼吳三錫龍卿
吳榮漢老楊延季洪卿陳壁廷珪鄭霆希聲潘元震子
春陳光祖昭遠吳季友次張趙虛虛中莊漢輔季良蔣
夢震震卿朱木仁叔陳膺定夫會于諸洞以庚子之
盟與者濮陽馬演季長青社鍾良弼傅朋臨川蔡詵子
羽

張子書問政章

拓本高七尺九寸廣一丈一尺四寸
十五行行十三字字徑七寸許行書

跋二行行四十字
字徑二寸正書

論語文不錄

右論語問政一章廣漢張公栻嘗大書于桂林郡之
治事聽桐廬詹公儀之欲其傳之廣也命錢諸巖石
俾凡臨民者皆得目擊心存力行無倦庶不負聖人
之訓淳熙甲辰冬長至日郡文學長沙陳邕謹題

按張宣公南軒先生大書論語一百九十字詹儀之
鐫石後陳邕題記二行凡七十八字淳熙十一年歲
在甲辰南軒以淳熙二年知靜江府經略安撫廣南
西路見宋史及朱子虞帝廟碑五年閏六月去桂見冷亦此去桂
後六年所刻吾友趙湖州學轍得拓本裝四軸以贈

金石
續編

續編所載跋語內脫一凡字今得拓本始知之不及校正矣聽卽今之廳字

李滋篆聯

拓本二紙高三尺九寸廣各九寸聯字二行行五字字長徑五寸許篆書左右款二字徑寸分書

安分身无辱 知幾心自閑

清熙乙巳晉安李滋長卿爲

在身字之右

鄉人林可宗元之書亏復

在心字之左

明統志云彈丸山在府城東二里下有泉奔流迅激東注于灘江山之西北及溪中有石如彈丸故

名彈子岩當卽其地廣西通志載彈子岩石刻凡八段余所見惟斯三者耳

準提菴井闌殘字

石半闕高不計廣七寸存五字字徑二寸許次行較小正書在揚州

熙十

三公石□

嘉慶丙寅予過揚州新城準提庵僧舍經二郎廟蔬圃見有破古石井闌似有字痕洗拓之乃□熙十□三公石數字熙字之上字不完似是淳字蓋以熙爲年號踰十年者在揚惟淳熙耳十字下似是年字爰

移置準提庵東廂內并記之丁卯秋日

學經室三集

右拓本二紙一紙無字熙字之上今無字蹟三字
上一畫亦已損缺十字之下略存筆蹤

廣州贍學田記并陰

高七尺廣三尺十四行行三十字字徑寸餘行書隸額四行題廣州增置贍學田記入字在廣州府學

田之入于學者有籍籍之司其入者有人人與籍之更
先後歲率不常故吏□以其情出入凡庀于籍者名數
多寡率常詭遺爲是者皆自其官新舊之交棄其參稽
之不逮也□以淳熙九年冬至官詰其故籍則曰六年
七年者亡也非吏之責歟則曰某年某人之爲也罪有

所受歟則曰某籍某人之受也歿其舊而新是存則有田而無籍可也有籍而無田可也有田而無籍者遺其名有籍而無田者詭其名繇今眎前田之失于籍者十四繇後眎今租之入于學者□功也吁是獨毋以爲歟迺請于府

經略龍圖大監鞏公愀然曰有是哉今尙可爲後將何以示遠他日噉時舉而□之曰子前以學稟不繼則言有沒入之田若干盡歸于學以補今之闕今更爲學遠謀則子盍以今與□之田總其名數盡槩于石以待後之□時舉應之□□退而告于學之諸生曰公之仁

遠哉有田以爲今有石以爲後令□□□□不告沒

公之仁遠哉於是□租□□□人□□□□新禧□□

□□□□□□一年正月□□迪功郎□□□□□□

□□□□□□□□□□□□陳德銘謹書

學正簡□直

碑陰

廿三行行字不一
字徑七分正書

府學

今具增置田段畝步下項

經略 大監撥下陳紹祖沒官田壹拾捌號

第壹等計壹頃伍拾肆畝零肆拾玖步

第貳等壹頃伍拾捌畝貳角伍拾柒步

第叁等貳拾陸畝叁角伍拾貳步

都共叁頃叁拾玖畝叁角叁拾捌步是李謬
請佃從拾壹年內給據當年納錢叁拾貫文
省至拾貳年起頭每年納錢貳佰貳拾貫文
省

經略 大監續撥下羅餘首出陳宋英不入砧基

簿沒官田肆號計陸拾伍畝叁角叁拾貳
步羅餘請佃每年納錢貳拾貳貫文省自

清熙拾貳年正月壹日爲頭

張賓首出李貳拾伍戶絕田捌號

第壹等計叁拾玖畝叁角

第貳等計叁拾畝伍拾叁步

第叁等伍拾玖畝叁角伍拾柒步

都共壹頃貳拾玖畝叁角伍拾步張賓請佃
每年納錢貳拾伍貫文足自清熙拾貳年正
月壹日爲頭送納

王觀光首出南海縣歸仁里祿步村芋子湖田計

壹拾叁頃

東至路抵謝萬頃及何爰田計貳佰肆拾捌丈

西至何宗朝田計壹佰貳拾陸丈

南至路并丁十二何文集賀丹三田計肆佰肆

拾丈

北至何宗昱瀝田計叁佰陸拾丈

右具在前

淳熙十一年正月 日記

碑在廣州府學泮池北之西後半多泐不見撰人及立石年月然有云曄時舉而告之則記爲時舉撰但

不知其姓爾記前有淳熙九年後又有一年正月一
年上蓋泐十字與碑陰年月同記末學正字尙可辨
宋史選舉志內外學官元豐九年始立試法上等爲
博士下等爲正錄正蓋卽正錄而職官志無其文闕
也碑陰記經略大使卽前記所稱鞏公蓋鞏湘也淳
熙七年任

廣東通志
金石略

學官有正錄非卽學正也觀鞏公修學廩記有正錄
黃應龍黃況可見又李心傳繫年要錄載紹興二十
九年八月詔臨安府學正錄三人並免解一次

金石錄

蒙巖題刻五段

在宜章

管鑑題名

高二尺七寸廣三尺七寸七行行五字字徑四寸許正書

枯蒼管鑑將使命自湘諭領以淳熙丙午登高于蒙巖
臨川吳鑑三山陳英同來湛淇洪侍

案領通志作嶺非吳鑑見通志職官孝宗朝爲宜
章令光宗朝知郴州甯宗朝湖南路提舉茶鹽一
統志云吳鑑臨川人淳熙中知宜章縣解除煩苛
同民好惡爲條教以諭民嘗建學修城陸九淵爲
之記通志又載有蒙巖記碑卽其所撰蒙巖之名
實吳鑑所題也涪溪有管湛題名得此刻知爲鑑
之子并知爲枯蒼人矣

雷渚題名

高一尺八寸廣三尺二寸七行行四字末行五字字徑三寸五分正書

廬山雷渚自武陵郡待次蒙恩易憲東廣取道舊治瀘
熙丁未九月廿九日

廿通志作二十非通志職官孝宗朝雷渚宜章令
傳見人物傳据姓譜云雷渚長沙人瀘熙九年知
宜章縣建學宮給廩課士士多賴其成就歷官吏
部郎中今此刻自署廬山則非長沙人矣志治姓
譜之誤宜改正

姚逸仲題名

高二尺二寸廣一尺八寸四行行六字字徑二寸五分許左行正書

寶慶丁亥九月念乙日盱江姚逸仲偕壻饒穎未男定

叔來遊

通志乙作一盱誤作盱穎未之未作叔遊作游

趙希逾平獠題記

高二尺五寸廣四尺三寸九行行十字字徑四寸許正書

紹定六年

春

正月湖南帥

寶學侍郎余公嶸聞宜章寇

警檄知郴縣兼幹辦公事趙希逾以十日乙卯領兵招

捕癸酉追戮鄧李二酋斬首六百有奇俘五十釋戈請

降之人三千大犒師徒弢箠而東勒石僊館以志歲月

在縣蒙巖九行字徑四寸許通志蒙巖露布在縣一

里宋紹定六年獠猖獗余燦剿平之刊露布於蒙

巖石上今尙存郴州志及縣舊志所載同攷封演聞

見錄露布捷書之別名也諸軍破賊則以布書建諸竿上謂之露布蓋自漢以來已有其名所以名露布者謂不封檢露而宣布欲四方速知亦謂之露版魏武奏事云有警急輒露版挿羽是也今觀壁文乃平寇紀績之詞非露布體也且希逾奉檄而往斬俘之功當歸希逾而以勦平屬之余嶸非是嶸字諸志皆作嶸亦誤通志秩官不載嶸名宋陳振孫直齋書錄解題載史燕錄一卷爲尙書戶部郎能游余嶸景瞻撰紹定辛未嶸使金賀生辰會有寇行至涿州定興縣而回或卽其人又趙希逾端平中曾任宜章遷建

學宮入祀名宦舊志有傳茲刻稱郴縣郴州志不載

宜章縣陳志

案余皦後於端平二年十二月同簽書樞密院事見宋史本紀又攷宗室世系表希逾乃燕王德昭之後

師克長子

湖南通志

右刻春字已泐据志補之通志職官理宗朝余皦湖南路安撫使趙希逾宜章令今此刻稱郴縣時未爲宜章令志不載焉文云勒石僊館當卽景星觀在蒙岩之側道人所居見吳鑑所撰記再末句下有小正書三行推拓不清僅丁卯秋字而不辨

紀元未識是近人續刻否識之以備再訪

蒙泉二字

字徑二尺二寸
餘橫列分書

蒙泉

案吳鎰記云首得之巖命之以蒙上巖下泉蒙之
象也泉以蒙名蓋自鎰始惟石無書人名未審是
鎰所書否附於蒙岩諸刻之末志載有宋題蒙岩
艮岩友泉亨泉榮淵介石魚淵等字而獨不及蒙
泉豈志所失載邪抑近人所書邪余所得艮岩二
字乃明時滕謚所書石上又有艮巖二字用雙鉤
法鐫勒滕書卽刻其上原刻已爲所掩當是宋人

所題又得有介石二分書乃道光間受恬補書受恬者曾與仁字也疑此蒙泉二字亦卽與仁所書姑錄而識之

右蒙岩題刻五段瞿氏輯通志据宜章志錄入未見拓本也一統志云蒙岩在縣東一里石白如玉下有友泉味甘冽宋吳鎰有碑記未得拓本雷澤尙有慶元丁巳一刻道光初猶及見之今亦未得

野石巖題刻三種

在宜章

仲權詩

高一尺三寸五分廣三尺八寸十行行三字字徑二寸五分許記年一行小字行書

夏夜渾如秋氣清夢回風露濕桃笙漸析月色兮山色

所恨蛙聲亂水聲仲權

上未五月丙寅

在宜章縣野石巖野石鋪三字側仲權姓名不見玩
滕瑱和作是仲權亦曾官斯土者案紹熙二年辛亥
上溯淳熙二年爲乙未十四年爲丁未舊志作吳鑑
詩攷鑑率宜章時正在淳熙丙午丁未間石刻未上
闕一字疑是丁字仲權豈卽鑑之字邪湖南通志引
宜章陳志

右仲權詩通志回作迴

滕瑱和詩高一尺三寸廣三尺九寸詩十行行六字
字徑一寸五六分後六行行八字九字字

徑寸許
行書

稻香藹藹暑風清下馬傳觴聽水笙父老指詩懷舊尹
爲鐫巖石寄心聲

身傍蓬萊近紫清巧言一出忽如笙祇今家食愿無恙
書倩衡陽雁寄聲

紹熙辛亥六月中伏日出郭觀稼小休野石讀仲樵正
字壁間所題詩因次韻併刻巖石以慰邑人去思不忘
南都滕瑱伯真父

右滕瑱和詩通志併作並非通志職官滕瑱孝宗
朝平江令光宗朝宜章令與此合惟不詳其爲南
都人可以補之又嘗爲桂帥屬僚見簪儀之伏波

岩隱山兩題名內

野石鋪三大字

拓本一字一紙字徑二尺三寸許正書

野石鋪

野石巖上鐫野石鋪三字無年月姓名舊志作湖南帥潘疇書野石巖三字今巖字作鋪無姓氏可攷未知卽潘書否旁有宋人仲權滕璵次韻詩

湖南通志引宜章縣

陳志

右野石鋪三字當卽舊志所載之野石巖也通志以潘疇爲潘時之誤次於淳熙年間今不見姓名因卽附此此決非宋以後人手筆若近人作此必

將書舍旁之鋪字矣

右野石巖題刻三種瞿氏輯通志時未之見也一
統志云野石巖在宜章縣北五十里官道旁

上虞縣修學記

高五尺廣二尺九寸廿一行行五十五字銜名六
行行字不一字徑六分餘正書額失拓在上虞
紹興府上虞縣重修學記

奉直大夫新改差知饒州軍州兼管內勸農營田使
賜紫魚袋豐誼撰

從事郎新特差充福建路提點刑獄司幹辦公事潘
友端書

上黨自漢圖輿地著爲名邑兩都相望宗工鉅儒騷人
墨客與夫循吏孝女史不絕書夫豈山川英秀鍾聚於
人有時而發越是抑重熙累洽□相承教育薰陶之有
自上之人所以用其力者非一日積爾

宋興列聖崇儒右文以化成天下自慶厯詔書行學官
始徧于州邑縣之黌舍蓋鼎盛矣中廢變故僅存綿
絳境垣汙泥可爲太息紹興甲戌補田葉公屈臨宰字
悼士氣之不振秉政力之優餘因改相面勢斥而大之
洙泗之風漫以彬彬葉公去而遭逢休明當

主上攬權有爲引以自輔遂相天下後之來者徒爲簿

書期會供輸替責所困青衿城關忽然相忘□木雖日

戰蝕楹桷雖日墮侈過之而不暇問也淳熙十一年今

令吳興劉笥下車莫謂退揖諸生願瞻慨然遂有志於

興葺室吏姦以搜財訪□師而擇木期年規橰中乏方

發其謀於是寮佐叶同生徒奔走令龜考卜斤斧交興

明年九月辛卯首徹宣聖殿盡去腐材斬然一新飛甍

浮□蔭覆眈眈尋丈以度其崇庠縱廣以步其圍繞視

舊有加而雄壯愈勝行覽四周次第營繕凡爲學之屋

三十間斷壞者盡剔傾仆者畢扶蓋瓦鱗差級甃櫛比

赤白煥鮮人用改觀尋增壘東偏弗地芟雜草莽闢爲

射圃張侯捷鵠其中以爲諸生暇日相與捐筮習威儀而觀德行之地是又向來之闕典講求之遺失今而粲然備矣工旣訖事爰肅章甫釋菜廟庭以告成功門序宏深戟衛森棹俎豆在列旒冕端臨民吏堵墻立鼓舞胥動交口贊說令君材足以剏煩濟劇而其政術卒於化民成俗類非規近効苟名譽者之比重喜葉公之政爲有繼也自家塾不立庠序廢關士之講學不至而趨嚮易流人有急名之累吏無近古之風一世之毀譽眩且惑矣律令之在有司天下恃之以爲公平憑藉以立威人有吞聲飲恨而政號神明之譽已馳章服而坐南

面天子命之以決爭訟情偷以爲簡民且望望去之而
囹圄空虛之

課亟

上聽倡隨影挾強幹則擅休稱罷虛

美則利速化姑循是以施于有政人誰曰不然願欲興
教化以移風資漸磨以變俗求如古武成單父者似甚
迂闊矣然天下未嘗無公議庶人亦各有良心是是非
非當有辨之者要不在斯文也惟鄭之僞爲政而不毀
鄉校鄭人愛之載于頌歌慤慤吟詠憂其死而莫之或
繼也果終鄭世無復聞焉賢者信不常有爲政而能知
本源之務者其鮮蓋亦久矣邑人誦葉公之政未忘今
得劉侯克承其懿是可以慰其父兄子弟之思也惟我

國家紹開中興人材不乏雖一邑之小閱三十年令之
可稱者猶再見而皆可述如此彼區區之鄭國何足進
焉土方嚮於學民且感於化作成效見華門圭竇將有
穎脫而出者庶自今無愧於古昔諸生求紀其事誼居
是邦也能道其實故樂爲之書洎熙十四年六月

日記

脩職郎縣尉薛冠

修職郎主簿孟致中

承直郎縣丞王濤

奉議郎知縣主管勸農公事賜緋魚袋劉 筥

前學長李晉明學長黃士表學諭李孟揚直
學劉溫舒教諭劉昌朝

司計貝 良臣 立石 會稽陳師

古刻

錢玖上虞金石志略金石萃編載紹定二年句容縣
五瑞圖碑末題免解進士充縣學學長江千里謹書
以爲學之有長始見於此閱是碑知孝宗時已有學
長之名矣 按葉公名禺字子昇僊遊人相孝宗卒

諡正簡宋史本傳載其知上虞平役徵租實有惠政
修學其餘事也豐誼潘友端俱上虞人誼字叔賈清
敏公稷曾孫以父治死難補官官至吏部郎中友端
直顯謨閣時子淳熙十一年特奏名進士官至太學
博士時本婺人以李莊簡公壻徙家上虞碑載學職
諸人題名攷高似孫剡錄引政和學制云學長諭直
學各一人齋長諭各一人小學教諭一人小長一人
今此碑有司計紹興十二年嵯縣舊學記有講書可
攷見宋代縣學職事諸名焉

越中金
石記

贈光祿黃中美碑銘

高六尺廣三尺三寸世五行行六十四字
字徑六分行書額失拓在邵武銅青山下

宋故朝議大夫致仕贈光祿大夫黃公神道碑銘

宣和之末

國家承平百有餘年中外無事乃有二三美臣竊

國大柄建取燕雲以名非常之變有識之士□私憂
之□□□之覺也捷書日聞官吏相慶獨信德府司錄
事邵武黃公有憂色人問其故公感然曰太平日久軍
旅遽興廩無兼歲之儲不取於民將何以濟願今歲荐
饑民死□□况河北天下根本又可重困之耶聞者莫
不笑之俄而河北盜賊果蠡起信德城守婁危金甌乘

之遂不能支官吏相與匍匐拜降惟恐居後而公獨奮然誓死不屈勇既入城放兵四出有挺刃脅公以降者公顧左右掎之而逸變姓名匿里巷中勇退乃出則先降者皆已抵罪而宣撫使獨奇公節俾行府事公亦摩撫瘡痍期復按堵未幾以

內禪恩轉朝議大夫則以資高不當復屈佐郡而省罷以歸矣靖康元年還次京師遭圍城之變而明年

欽宗出幸冀營勇遂以兵威脅城中擁張邦昌而立之一時公卿繇千百數相顧俛首唯唯聽命公獨感憤義不辱身即日投檄致其事以去蓋當是時不約而出此

者亦四十人然不數日而公竟以病卒矣二年二月丙子也嗚呼

祖宗百年禮義廉耻之化其所以涵養斯人者可謂至深遠矣夫以熙甯以來群小相師滅理窮欲以逮于茲適已六十年矣士大夫酣豢之餘心志潰爛不可收拾宜其禍變危迫而皆不知以爲憂敗衄迎降而皆不知以爲耻棄君叛父奉賊稱臣而皆不知以爲辱也而猶復有如公等者出於其間是雖人之秉彜不容泯沒然而

祖宗所以涵養斯人至深且遠亦豈不於此而少見

其遺餘哉公平時年始六十有三夫人林氏攜挈諸孤奉公之柩崎嶇兵火亂離之中川陸五年乃能達于故里紹興乙丑之歲然後始克葬焉而公之子永存浸以才能有聞于世

上聞其名名以爲尙書郎軍器監出爲淮南轉運副使俾修農戰之業以爲北向之漸前後贈公至光祿大夫而夫人自公時已封宣人又以子貴叟逢慶恩得賜冠帔累封至始興郡太夫人淳熙乙未八月五日年九十有七而薨又以郊恩贈新春郡夫人而副使歸自淮南則使人以同郡徐君復之狀來謂新安朱熹曰吾先君之

德如是而葬久未銘且先夫人率履持家克享上壽世
鮮及之亦當得附先君遺事以垂後世子其圖之烹受
書考之具得光祿大夫靳春夫人行事本末歎息久之
因論其大者如此而并記其州里世次閥閱梗槩及子
孫次第請具刻于螭首之石如左方蓋公諱中美字文
昭其先光州固始人從王潮入閩居建之浦城後徙邵
武國初邵武始別於建遂爲郡人焉曾大父夢臣大父
扃皆有隱行至公父蒙始舉進士後贈中奉大夫中奉
娶施氏生公七年而卒後贈令人中奉沒時公年甫冠
勵志爲學而貧不能得書常假於人以讀率一再過而

歸之則已成誦不忘矣中元祐九年進士第調真定府左司理參軍知邢州平鄉縣皆善其職以守正不阿忤上官罷退久之貧甚不以爲意親友強起之乃更調鎮西軍節度推官麟極邊守武將視法令僚屬無如也公不爲撓事有不可必庭辯之守愧屈焉改宣德郎知澹州衛縣縣民有被誣殺人者公察其冤縱之同列有害公者謂公故出死罪守疑之公不恤也會河決敗數郡詔諸令長各護丁夫疏鑿隄障縣獨不擾而集以功轉奉議郎除河北都轉運司屬官北京留守辟以爲真定府司錄事是時河北連歲不登民多相聚爲盜

而郡守歡燕敖逸如平時公獨憂之每當集輒詞不興
守問其故公對以實守默然不悅於是乃移信德而遂
去以卒焉其爲人坦易不事邊幅而與人交必以誠當
官不爲赫赫之名而於事細微無不謹旁郡有疑獄部
刺史多奏以屬公往往得其情樂施予不問識否人雖
負之不悔有求輒復周之在鎮時府丞陳紹夫死公以
俸錢遣其喪女兄寡居迎養三十年始終如一日故人
有通貴者招致之謝不往都轉運使呂公頤浩及它使
者多知其才欲薦之未果而沒論者惜之公初娶宛勾
劉氏贈和義郡夫人斬春其繼室也延平人贈少師積

之女夫人渾厚靜專歸黃公時甚貧勉之自若晚雖豐
泰亦未嘗改其度也事公之女兄如姑公沒而歸其喪
教其子務以忠言直節立其志使率爲聞人以大其家
歲幾滿百而神明不耗起居不衰又近似有道者家人
百口撫之一以慈愛而教告勉飭隨之未嘗見其嚴厲
之色而中外整整莫敢越軌範鄉黨傳以爲法公葬郃
武縣仁澤鄉寶隆山之原夫人葬永城鄉黃溪保銅青
山下相距蓋十里子男五人曰端愿端平皆有俊才卯
角已與薦送而皆早卒次端方亦卒次永存今爲朝請
大夫主管武夷山冲祐觀次永年右儒林郎知靜江府

理定縣亦先卒女五人其壻宣教郎朱康年保義郎周
郁修職郎趙舜臣通直郎杜鐸進士李先之也孫男十
人龜朋儒林郎格鉞南卿範楨勛夏欽鈞皆未仕而格
鉞欽亡矣孫女六人其壻周敦書李厖李徽將仕郎吳
時萬上官珪上官楊曾孫男十七人大正大時大椿大
全大猷大學大昌大淵大聲大韶大受大嚴大任大用
餘未名女十四人其壻任斗南林杞李价餘尚幼元孫
男六人公振公升公顯公回公煥公章嗚呼是亦盛矣
黃氏之昌阜於世也其可量哉銘曰

暨暨黃公

逢時之危

跡隨眾兆

思屬眇微

之死弗污

以全其歸

溫溫夫人

克相其夫

又諂其子

以成厥家

壽考尊榮

百歲而徂

賢隆之阿

黃溪之里

東西相望

兩關對起

子孫盈前

曾元滿後

尙有龜靈

不遠來又

宣教郎直徽猷閣新權發遣江南西路提點刑

獄公事朱熹撰并書

進士方士繇題蓋淳熙戊申正月甲子立

建安翁鎮并男進文博文刊

右贈光祿黃中美碑銘朱子撰書署銜稱直徽猷閣新權發遣江南西路提點刑獄公事按朱子年譜淳熙九年除直徽猷閣再辭改除江南西路提點刑獄公事辭十四年三月差主管南京鴻慶宮七月除江南西路提點刑獄公事待次辭不允十五年正月有旨趣奏事之任復以疾辭不允三月十八日啓行据此碑則直徽猷閣辭而未允也尙未之任故稱新不署奉祠者略之三月啓行碑立於正月時尙在閩也黃公歿於靖康二年夫人歿於淳熙二年迨銘墓立碑相距已六十餘年距夫

人之歿亦已十餘年向非其子克賢而又得文公
之女不幾湮沒不傳乎

八瓊室金石補正卷一百十五終